



PROVINCIA AUTONOMA DE BULSAN - SÜDTIROL

Direziun provinziala Scolines y scores ladines

Bulsan, 28.03.2023

Lauré fora da:
Maria Kostner
Tel. 0471 417030
maria.kostner@provinz.bz.it

Ales direziuns
dles Scores raionales
dles Scores altes
dles Scores profescionales

Per cunescënza:

Comunicaziun

Percurs de formaziun "Etica"

Stimada Direturia, Stimé Diretur,

la Direziun Istruziun y Formaziun todëscia y la Direziun Provinziala Scolina y scores ladines mët a jí en cooperaziun cun l'Istitut superiur de Filosofia y Teologia da Porsenú n percurs de formaziun por insegnanc y insegnantes bele en sorvisc che á interes da se dé jö te na manira strotorada cun domandes y desfides tl ciamp dl'etica te na sozieté cun ideologies y conzeziuns dl monn desvalies.

Le percurs de formaziun se tol dant da ti trasmëte ai partezipanc y ales partezipantes aladò de sües premisses specifiches na competënza injuntada da porté i mituns y les mitans y i jogn y les jones a se dé jö cun desfides etiches y culturales atuales, cun religiuns y conzeziuns dl monn, sciöche ince cun domandes filosofiches y da ti trasmëte respet y comprenjiun por religiuns y cultures desvalies sciöche ince por la pluralité de formes de vita.

Le percurs de formaziun tol ite 10 modui partis sö vigni iade sön dui dis y vá da agost 2023 cina de ma 2025. Chi che frecuentëia i cursc dl percurs de formaziun cun suzes arjunj la abilitaziun da insigné pro l'oferta formativa dles leziuns de "Etica".

La bandida chiló injuntada contëgn indicaziuns plü avisa en cunt di recuisic d'azes al percurs de formaziun y de co che i cursc se desfira. I Ves präii porchël da ti mené inant la bandida ales insegnantes y ai insegnanc de Osta direziun che á interes y da ti dé la poscibilité da tó pert.

L'iscriziun mëss gní fata anter i 28 d'aurí 2023 tres le formular d'iscriziun.

I Ves rengrazi dla bona colaboraziun y salüdi cun respet,

La Direturia provinziala por les scolines y scores ladines

Edith Ploner

(sotescrit cun sotescriziun digitala)

Injunta

-Brosciüra dl percurs de formaziun "Etica"

-Formular d'iscriziun

